

摘藻堂四庫全書薈要

集部

欽定四庫全書薈要卷一萬八千三百二十七

集部

御選宋詩卷二十

五言古詩十一

朱熹

川上見月歸示同行者

川上偶攜手皓月起林端  
一舒臨流望玄露已先溥  
歸掩荒園扉更怯裳衣單  
清夜可晤言獨處誰為歡

月夜述懷

皓月出林表照此秋牀單幽人起晤歎桂香發窗間高  
梧滴露鳴散髮天風寒抗志絕塵氛何不棲空山

即事偶賦

白煙竟日起雨晦蒼山深老菊不復妍丹楓滿高林抱  
病寢齋房窗戶結愁陰起望一舒情遐眺豁煩襟人生  
亦已勞世路方崎嶇且詠招隱作無為名跡侵

寄題咸清精舍清暉堂

山川佳麗地結宇娛朝昏朝昏有奇變超忽難具論千

嵐蔽夕陰百嶂明  
晨暎穹林擢遙景  
回澗盪秋氛覽極  
慚未周窮深遂忘  
喧欲將身世遺况  
託玄虛門境空乘  
化往理妙觸目存  
珍重忘言子高唱  
絕塵紛

冬日二首

蕭索時序晚已復  
度高秋回澗白波  
起通川絳樹稠晨  
風散清霜嘉稻卷  
平疇獨懷志士感  
歲事幸將休

清霜染澗樹蕭索  
向嚴冬密雨有時  
集寒雲無定容波  
明橫瀨出風急遠  
林空一極窗間眺  
高旻矗亂峰

春日即事

郊園卉木麗林塘煙水清閒棲衆累遠覽物共關情  
樹鳥啼幽緣原草舒榮悟悅心自遣誰云非達生

春日言懷

春至草木變郊園猶掩扉茲晨與心會覽物徧芳菲  
桃李破淺紅時禽悅朝暉泉谷暖方融原田水初肥  
東作興庶眊歲功始在茲端居適自慰世事復有期  
終然心所向農畝當還歸

晚步

東原鬱已秀嘉樹藹初綠衆卉發春陽前山可遐矚端  
居日康健涉澗步墟曲景幽恣所尋悟悅何由足鳥鳴  
華薄深泉響亂流續握手一同忻吾生詎幽獨

懷友

山夕煙景亂林空鳥啼幽懷人隔春江夢想積離憂覽  
物懷悄悄臨觴但悠悠徘徊東西步悟歎復何求

同安官舍夜作

官署夜方寂幽林生月初閒居秋意遠花香寒露濡故  
園異時節欲歸懷簡書聊從西軒臥塵思一蕭疎

寄山中舊知

客子歸來晚江湖欲授衣岐路終寂寞老大足傷悲慷  
慨生平志冥茫造物機清秋鵬鷃上萬里看橫飛  
故園今夜半林影澹逾清曳杖南溪路君應獨自行潺  
湲流水思蕭索早秋聲盡向琴中寫焉知離恨情

秋懷

井梧已飄黃澗樹猶含碧煙水但逶迤空齋坐蕭瑟端  
居生遠興散漫委書帙愛此北窗閒時來岸輕幘微鐘  
忽迢遞禽語破幽寂賞罷一悄然澹泊忘所適

夜賦

暗窗螢影亂秋幃露氣深羣籟喧已寂青天但沉沉惻  
愴懷高侶幽默抱沖襟遙憶忘言子一寫山水音

曉步

初日麗高閣廣步愛修廊重門掩秋氣高柳陰方塘閨



海冬尚溫晏陰天未霜坐悲景物殊亦念歲時荒故園  
屬佳辰登覽遍陵岡賓遊盡才彥蕭散屏壺觴別來時  
已失懷思寧暫忘官遊何所娛要使心懷傷

臨流石

偃蹇西澗濱枵然似枯木下有幽泉鳴上有蒼苔綠來  
往定何人山空此遺躅

懸崖水

秋天林薄疎翠壁呈清曉迢遞瀉寒泉下有深潭悄時

飄桂葉來尋源路殊杳

穿林徑

屈曲上雲端似向崖陰斷行聞山鳥鳴下與泉聲亂去  
去不知疲幽林自成翫

督役城樓

天高無遊氣林景澹餘暉感此霜露節但傷風土非季  
秋時序溫百卉不復腓祇役郊原上暄風一吹衣仕身  
諒無補課督慚饑羸還憶故園日策杖田中歸

懷山田作二首

冬日

郊園多所樂況此歲云暮寒色澹遙空清霜變紅樹欲  
舒林表望詎識塵中趣向晚寂無人氤氲欲成霧

梅花

冰溪流已咽陰嶺寒方結忽值早梅春未恐芳心歇的  
皜終自妍殷勤為誰折千里寄相思相思政愁絕

寄題金元鼎同年長泰面山亭

抗心塵境外結宇臨秋山乘高一騁望表裏窮遐觀衆  
壑互攢列連岡莽縈環陽崖煙景舒陰壑悲風寒碧草  
晚未凋林薄已復丹仙人吳門子歲晚當來還

安溪道中泉石奇甚絕類建劍間山水佳處也  
驅車陟連岡振轡出林莽霧露曉方除日照川如掌行  
行遵曲岸水石窮幽賞地偏寒篠多澗激淙流響祇役  
未忘倦心神暫蕭爽感茲懷故山何日稅征鞍

留安溪三日按事未竟

縣郭四依山清流下如駛居民煙火少市列無行次嵐  
陰常至午陽景猶氛翳向夕悲風多遊子不遑寐我來  
亦何事吏桀古所記奉檄正淹留何當語歸計

夏日

涼風集幽樹清陰生廣庭偶茲憩煩燠忽憶郊園行婉  
婉碧草滋迢遞玄蟬鳴官曹且休暇自適幽居情

茅舍獨飲

出身從吏役驅車涉窮山日落陰景晦天高風氣寒豈

無斗酒資獨酌誰為歡一杯且復醉百念中闌干

登羅漢峰

休暇曹事簡登高恣窺臨徜徉偶此地曠望披塵襟落  
日瞰遠郊暮色生寒陰歡娛未云已更欲窮幽尋行披  
茂樹盡豁見滄溟深恨無雙飛翼往詣蓬山岑

登面山亭

是日氛霧四塞  
獨見雙髻峰

新亭夙所聞登眺遂茲日極目但蒼茫前瞻如有失煙  
鬟稍呈露衆嶺方含鬱長嘯天風來雲散空宇碧

試院即事

端居惜春晚庭樹綠已深  
重門掩晝靜高館正陰沉  
披衣步前除悟物懷貞心  
澹泊方自適好鳥鳴高林

借王嘉叟所藏趙祖文畫孫興公天台賦凝思  
幽巖朗詠長川一幅有契於心因作此詩二首  
翩然乘孤鶴往至蒼崖巔  
上有桂樹林下有清泠淵  
洗心詠太素汎景窺靈詮  
棲身託歲暮畢此巖中緣

山空四無人澗樹生涼秋  
杖策忘所適水木娛清幽  
散

髮塵外飄濯足清瑤流靜嘯長林內舉翮任丹丘

敬思堂作示諸同志

吏局了無事橫舍終日閒庭樹秋風至涼氣滿窗間高  
閣富文史諸生時往還縱談忽忘倦時觀非云慳詠歸  
同與點坐忘庶希顏塵累日以銷何必棲空山

再得古木

青山一何深上下盡雲木中有千歲姿偃蹇臥寒谷明  
堂不徵材大匠肯回目樵斧莫謾尋從渠媚幽獨



示諸同志

夏木已云暗時禽變新聲林園草被徑端居有餘清端  
居亦何為日夕掩柴荆靜有絃誦樂而無塵慮并良朋  
肯顧予尚有夙心傾深慚未聞道折衷非所寧眷焉撫  
流光中夜歎以驚高山徒仰止遠道何由征

示四弟

十日一洗沐諸生各歸休虛齋息羣響兀坐心悠悠雨  
久苔徑荒林深鳥啼幽階前樹萱草與子俱忘憂

還家即事

獻歲事行役徂春始還歸昔往草未芳今來翠成幃扶  
疎滿園陰時禽互翻飛叢萱亦已秀丹葩耀晨輝即事  
誰與娛淹留自忘機日暮復出門悵然心事違古人不  
可見獨掩荒園扉

六月十五日詣水公菴雨作

雲起欲為雨中川分晦明纔驚橫嶺斷已覺疎林鳴空  
際早塵滅虛堂涼思生頽簷滴瀝餘忽作流泉傾況此

高人居地偏樹景清芳馨雜峭嶺俯仰同鮮榮我來偶  
茲適中懷澹無營歸路綠泱泱因之想巖耕

謝人送蘭

幽獨塵事屏晚晚秋蘭滋芳馨不自媚掩抑空相思晤  
對日方永披叢露未晞脩然發孤詠九畹陳悲詩

淹留閱歲序契闊心懷憂獨臥寄僧閣一室空山秋徘徊  
起顧望俯仰誰為儔伊人遠贈問孤根亦綢繆芳馨  
不我遺三載娛清幽愧無瓊琚報厚意竟莫酬瞻彼南

陔詩使我心悠悠

秋蘭已悴以其根歸學古

秋至百草晦寂寞寒露滋蘭皋一以悴蕪穢不能治端  
居念離索無以遺所思願言託孤根歲晏以為期

懷子厚

中夏辭故里涉秋未停車賓友坐離閭田園想榛蕪感  
茲風露朝起望一頃紆眷彼忘言子鬱鬱西齋居俯餘  
蒼澗流仰詠古人書名應里閭薦心豈榮利俱琅然撫

枯桐幽韻泉谷虛褰裳欲往聽乖隔靡所如

秋夕二首

西齋坐竟日曠然誰與儔感茲風露夕始知天宇秋庭  
樹且扶疎時物詎淹留心空累云遠歲月真悠悠

公門了無事吏散終日閒涼葉何蕭蕭悲吟庭樹間琴  
書寫塵慮菽水怡親顏憶在中林日秋來長掩關

秋懷二首

秋風吹庭戶客子懷故鄉矧此臥愁疾徘徊守空房佇

想澗谷居林深慘悲涼鷄雞感蕭辰拊翼號風霜氛雜  
無留氣峭蒨有餘芳幸聞衛生要招隱夙所臧終期謝  
世慮矯翮茲山岡

懷疴坐竟日晚色散幽樹寂歷候蟲悲沆瀣碧草露端  
居興方澹沈默自成趣羽觴歡獨持瑤琴誰與晤空知  
玄思清未惜年華度美人殊不來歲月恐遲暮

中元雨中呈子晉

徂暑尚繁鬱大火空西流茲辰喜佳節涼雨忽驚秋晚

晚蘭徑滋蕭箭庭樹幽炎氣一以去恢台逝不留刀筆  
隨事屏塵囂與心休端居諷道言焚香味真諷子亦翫  
文史及此同優遊

秋暑

晨興納新涼亭午倦猶暑臥對北窗扉淡泊將誰侶疎  
樹含輕颼時禽轉幽語端居悟物情即事聊容與

寄題梅川溪堂

滄波流不極上有一畝園幽人掩關臥修竹何娟娟虛

堂面羣峰秀色摩青天靜有山水樂而無車馬喧人言  
市門子往往蒼崖顛揮手謝世人日中翔紫煙遺跡尚  
可覲神交邈無緣慨然一水歎曜靈忽西遷褰裳下中  
沚濯足娛清川

次韻劉彥采觀雪之句

朔風吹空林眇眇無因依但有西北雲冉冉東南飛須  
臾層陰合慘淡周八維凍雨不流淵飛花舞妍姿翳空  
乍滅沒散影還參差萬點隨飄零百嘉潛潤滋徘徊瞻



詠久默識造化機上寒下必溫欲積無根基漸看谷樹  
變稍覺幽篁低皓然遂同色宇宙乃爾奇繁華改新觀  
凜冽忘前悲摘章愧佳友佇立迎寒吹感此節物好歎  
息今何時當念長江北鐵馬紛交馳

次韻判院丈雪意之作

端居歲復窮閉戶守冲澹風陰原野悲月黑庭除暗淅  
瀝靜先知崩奔誰與探坐想青瑤林寒光生素豔

夏日齋居得潮州詩卷詠歎之餘用卒章之韻

以紀其事

孟夏氣淑清，窗戶有佳色。  
臥聞幽籥聲，翻轉覺林景。  
寂參差帙委，素縹緲香橫。  
碧啜菽有餘歡，纓冠非所職。  
故人海邊郡，妙語寄遠翼。  
詠歎不得聞，超然見胸臆。

山居即事用疊翠亭韻

世情日以疎，庭樹日以密。  
我心自悠悠，兩忘喧與寂。  
門開山疊翠，雨罷雲絕迹。  
天涯此興同，萬里寄消息。

秀野以喜無多屋宇幸不礙雲山為韻賦詩喜

伏讀佳作率爾攀和韻劇思慳無復律呂笑覽之餘賜以斤斧幸甚

高人山水心結習自無始五畝江上園清陰遍桃李一

堂聊自娛三徑亦可喜試問避俗翁何如尊賢里

溫公獨樂

園在尊賢里

門前車馬客無非朝大夫問公獨何事中歲據此圖長

安二三公髮白形枯臞隱憂念名節亦有此樂無

隱憂念名

節張大參

疏中語

君侯嗜圖史插架何其多徙居三十乘流汗幾索駝千  
載誰晤語端居自絃歌至哉天下樂歲月如子何

西山一何高雲氣出寒麓中有無事人鳴泉遶茅屋宴  
坐今幾何無以媚幽獨興至偶成篇呼兒為余讀

我居深山中茅舍破不補上見風攬林下有雲承宇聞  
公落新宮戶牖不可數懶惰心力衰念公亦良苦

夜吟招隱詩月落寒泉井自非千載人誰與共清景散  
髮心朗寥凝神味淵永功名恐相期富貴非所幸

仙人空山居道意妙羣物度世君則然修身吾豈不飛  
行仰雲路趺坐探理窟獨夜叩星壇清齋具簪笏

青山皆夕陽茲景公所愛虛堂日落時遷坐一解帶嵐  
分疑有處鳥度知無礙須臾暮色來默默無與會

端居屏塵慮萬事付一尊客來語世故舉白當浮君超  
搖謝衆甫噉香從諸孫何以自怡悅窗中見秋雲

清溪何迢迢上有千仞山山中學仙侶白石為門關丹  
經苦吟哦至道窮躋攀豈知人間世風塵縈九寰

趙君澤攜琴載酒見訪分韻得琴字

山城夜寥閨虛堂杳沉沉王孫有高趣挈榼來相尋喜  
茲煩抱舒未覺杯酒深一為塵外想再撫丘中琴餘音  
殷雷動爽籟悲龍吟寄謝箏笛耳寧知山水音

同張明府登凌風亭懷韓無咎

日夕和風至西山淡無姿危亭極遠眺勝處良在茲憶  
昔韓令尹青雲乃心期韞羈不得騁發此胸中奇前瞻  
千仞岡俯視萬頃陂神襟一以曠我志浩渺瀾飛車越

滄浪天風振裳衣懷哉此馬薄問訊無邊辭令公豈不  
佳宮商似前徽相攜岸晚幘共此長相思

感懷

經濟夙所尚隱淪非素期幾年霜露感白髮忽已垂鑿  
井北山陟耕田南澗濶乾坤極浩蕩歲晚將何之

齋居感興二十首

并序  
十六首  
錄

余讀陳子昂感寓詩愛其詞旨幽邃音節豪宕非  
當世詞人所及如丹砂空青金膏水碧雖近乏世

用而實物外難得自然之奇寶欲效其體作十數  
篇顧以思致平凡筆力姜弱竟不能就然亦恨其  
不精於理而自託於仙佛之間以為高也齋居無  
事偶書所見得二十篇雖不能探索微眇追迹前  
言然皆切於日用之實故言亦近而易知既以自  
警且以貽諸同志云

崑崙大無外磅礴下深廣陰陽無停機寒暑互來往皇  
犧古神聖妙契一俯仰不待窺馬圖人文已宣朗渾然



一理貫昭晰非象罔珍重無極翁為我重指掌

吾觀陰陽化升降八絃中前瞻既無始後際那有終至  
理諒斯存萬世與今同誰言混沌死幻語驚盲聾

人心妙不測出入乘氣機凝冰亦焦火淵淪復天飛至  
人秉元化動靜體無違珠藏澤自媚玉韞山含輝神光  
燭九垓玄思徹萬微塵編今寥落歎息將安歸

朱光徧炎宇微陰眇重淵寒威閉九野陽德昭窮泉文  
明昧謹獨昏迷有開先幾微諒難忽善端本綿綿掩身

事齋戒及此防未然閉關息商旅絕彼柔道牽

微月墮西嶺爛然衆星光明河斜未落斗柄低復昂感  
此南北極樞軸遙相當太一有常居仰瞻獨煌煌中天  
照四國三辰環侍旁人心要如此寂感無邊方

放勲始欽明南面亦恭己大哉精一傳萬世立人紀猗  
歟歎日躋穆穆歌敬止戒藝光武烈待旦起周禮恭惟  
千載心秋月照寒水魯叟何常師刪述存聖軌

吾聞包犧氏爰初闢乾坤乾行配天德坤布協地文仰

觀元渾周一息萬里奔俯察方儀靜隕然千古存悟彼  
立象意契此入德門勤行當不息敬守思彌敦

大易圖象隱詩書簡編訛禮樂矧交喪春秋魚魯多瑤

琴空寶匣絃絕將如何興言理餘韻龍門有遺歌

程子  
晚居

龍門  
之南

顏生躬四勿曾子曰三省中庸首謹獨衣錦思尚絅偉  
哉鄒孟氏雄辯極馳騁操存一言要為爾挈裘領丹青  
著明法今古垂煥炳何事千載餘無人踐斯境

元亨播羣品利貞固靈根非誠諒無有五性實斯存世  
人逞私見鑿智道彌昏豈若林居子幽探萬化原

飄飄學仙侶遺世在雲山盜啓元命祕竊當生死關金  
鼎蟠龍虎三年養神丹刀圭一入口白日生羽翰我欲  
往從之脫屣諒非難但恐逆天道偷生詎能安

西方論緣業卑卑喻羣愚流傳世代久梯接凌空虛顧  
盼指心性名言超有無捷徑一以開靡然世爭趨號空  
不踐實躋彼榛棘途誰哉繼三聖為我焚其書

聖人司教化黌序育羣材因心有明訓善端得深培天  
敘既昭陳人文亦褰開云何百代下學絕教養乖羣居  
競葩藻爭先冠倫魁淳風久淪喪擾擾胡為哉

童蒙貴養正遜弟乃其方雞鳴咸盥櫛問訊謹暄涼奉  
水勤播灑撫簞周室堂進趨極虔恭退息常端莊劬書  
劇嗜炙見惡逾探湯庸言戒麤誕時行必安詳聖途雖  
云遠發軔且勿忙十五志於學及時起高翔

哀哉牛山木斤斧日相尋豈無萌蘖在牛羊復來侵恭

惟皇上帝降此仁義心物欲互攻奪孤根孰能任反躬  
良其背肅容正冠襟保養方自此何年秀穹林

卜居

卜居屏山下俯仰三十秋終然邨墟迴未愜心期幽近  
聞西山西深谷開平疇茆茨十數家清川可行舟風俗  
頗淳朴曠土非難求誓捐三徑資往遂一壑謀伐木南  
山巔結廬北山頭耕田東溪岸濯足西溪流朋來即共  
懽客去成孤遊靜有山水樂而無身世憂著書俟來哲

補過希前修茲焉畢暮景何必營菟裘

遊武夷以相期拾瑤草分韻賦得瑤字

秋聲入庭戶殘暑不敢驕起趁汗漫期兩袂天風飄眷  
焉此家山名號列九霄相與一來集曠然心朗寥棲息  
共雲屋追尋喚漁舫一水屢縈回千峰鬱岌堯蒼然大  
隱屏林端聳孤標下有雲一壑仙人久相招授我黃素  
書贈我英瓊瑤茅茨幾時見自此遺紛囂

大雪馬上次敬夫韻

仙人喬嶽頂散髮吹參差喚我二三友集此西南垂列  
筵命洛公侑坐迎江妃導之千羽旄投以萬璧璣繽紛  
一何麗晝靄難具知衆真亦來翔恍覺叢霄低茫茫雲  
霧合一一瓊瑤姿回首謝世人千載空相思吾衰怯雄  
觀未敢探此奇短衣一匹馬幸甚得所隨天寒飲我酒  
酒罷賡君詩人生易南北復此知何時

風雪未已決策登山用敬夫春風樓韻

披風蘭臺宮看雨百常觀安知此山雲對面隔霄漢羣



陰匝寰區密雪渺天畔  
我我雪中山心眼淒欲斷  
吾人愛奇賞遽發臨河歎  
我知沍寒極見現今當泮  
不須疑吾言第請視明旦  
蠟屐得雁行籃輿或魚貫

自上封登祝融峰絕頂次敬夫韻

衡嶽千仞起祝融一峰高  
羣山畏突兀奔走如曹逃  
我來雪月中歷覽快所遭  
捫天滑清壁俯壑崩銀濤  
所恨無十牯一掣了六鼇  
端歸青蓮宮坐對白玉毫  
重閣一徙倚霜風利如刀  
平生山水心真作貨食  
饕明朝更清

澈再往豈憚勞中宵撫世故劇如千蝟毛嬉遊亦何益  
歲月今滔滔起望東北雲茫然首空搔

賦歸雲洞

人生信多患吾道初不窮云何感慨士伏死堪巖中宜  
陽古道周竅石何嵌空窮幽歷肺腑履坦開房櫳頗疑  
有奇人往昔寄此宮歲月詎云幾井竈無遺蹤我來記  
清秋歸塗渺窮冬興懷重幽討永嘯回長風風回雲氣  
歸洞口春濛濛信美非人境出門我欲東

雪中與林擇之祝弟登劉園之宴坐巖有懷南  
嶽舊遊賦此呈擇之屬和并寄敬夫

風雪集歲晏掩關聊自休  
今辰展遐眺倚此寒巖幽  
同雲暗空室皓彩迷林丘  
崩奔小澗歇飛舞增綢繆  
仰看鸞鶴翔俯視江漢流  
乾坤有奇變瀕洞驚兩眸  
三酌不自溫倚杖空冥搜  
悲歌動華薄璀璨忽滿裘  
向來一杯酒浩蕩千里遊  
亦復有茲賞微言寄清酬  
解攜今幾許光景逝不留  
懷人眇山嶽省已紛愆尤  
對此奇絕境一

懽生百憂茫然發孤詠遠思誰能收

題周氏溪園三首

錄一首

溪亭

循澗闢芳園結亭對虛壁澄潭俯幽鑒空翠仰寒滴  
主人心事遠妙寄塵寰隔豈為功名期而忘此泉石

題林擇之欣木亭

危亭俯清川登覽自晨暮佳哉陽春節看此隔溪樹  
連林爭秀發生意各呈露大化本無言此心誰與晤  
真歡

水菽外一笑和樂孺聊復共徜徉殊形乃同趣

遊密菴分韻賦得還字

我行得佳友勝日尋名山春山既妍秀清溪亦潺湲行  
行造禪扉小憩腰脚頑窮探意未已理策重躋攀入谷  
翳蒙密俯澗隨泓灣誰將百尺綯挂此長林間雄聲殷  
地厚洪源瀉天慳偉哉奇特觀償此一日閒所恨境過  
清悄愴暮當還顧步三歎息人生何苦艱

遊畫寒以茂林修竹清流激湍分韻賦詩得竹

# 字

僊洲幾千仞下有雲一谷道人何年來借地結茅屋想  
應厭塵網寄此谿幽獨架亭俯清湍開徑翫飛瀑交游  
得名勝還往有篇牘杖屨或鼎來共此巖下宿夜燈照  
奇語曉策散游目茗椀共甘寒蘭皋薦清馥至今壁間  
字來者必三讀再拜仰高山懔然心神肅我生雖已後  
久此寄齋粥孤興屢呻吟羣遊幾追逐十年落塵土尚  
幸不遠復新涼有佳期幾日戒征軸宵興出門去急雨

遍原陸入谷尚輕埃解裝已銀竹虛空一瞻望遠思翻  
慙感袒跣躋攀冠巾如膏沐雲泉增舊觀怒響震寒  
木深尋得新賞一簣今再覆同來況才彥行酒屢更僕  
從容出妙句珠貝爛盈匊後生更疊疊俊語非碌碌吾  
纓不復洗已失塵萬斛所恨老無奇千毫真浪禿

遊蘆峰分韻得盡字

蘆山一何高上上不可盡我行獨忘疲泉石有招隱須  
臾出蒙密矯首眺無畛已謂極崢嶸仰視猶隱嶙新齋

小休憩餘力更勉鼃東峰切霄漢首夏正淒緊杖策同  
攀躋極目散幽窘萬里俯連環千重瞰孤隼因知平生  
懷未與塵慮泯歸塗采薇蕨晚餉雜蔬筍笑謂同來人  
此願天所允獨往會淹留寒棲甘茵蠹山阿子慕予無  
憂勒回軫

九月六日早發潭溪夜登雲谷翌旦賦此

懷山不能寐中宵命行軒亭午息畏景薄暮登危巖峻  
極踰百磴縈紆欲千盤行行遂曛黑月落天風寒羽人



卷二  
候中塗良朋集林端問我何所迫而嘗茲險艱疲勞亦  
云極饑渴不能言投裝臥中丘幸此一室寬怒號竟永  
夕客枕無時安旦起闢幽戶竹樹青檀藥驚喜非昔覩  
披尋得新觀淹留十日期俯仰有餘歡寄語後來子勿  
辭行路難

雲谷雜詩十二首

錄四首

登山

夕陽翳東峰微月下西嶺不辭青鞋穿陟此巖路永巖

路永且躋中情何耿耿

謝客

野人載酒來農談日西夕此意良已勤感歎情何極歸  
去莫頻來林深山路黑

勞農

四體久不勤筋力坐驚緩何事兩山阿離離豆苗滿多  
謝植杖翁居然見長短

下山

行隨流水聲步出哀壑底綠樹枝相樛白澗石齒齒樹  
石無窮年流水日千里

雲谷次吳公濟韻

昔營此幽棲邈與世相絕誓將百年身來守固窮節心  
期苦未遂歲月一何闊終然匹夫志肯遽甘沒沒茲晨  
復登瞰目盡雲一抹激烈永嘯餘朗寥高韻發夫君內  
德備不學王貽元觀心見參倚出世自英傑竭來肯顧  
我同去弄雲月微言得深扣大句亦孤拔多謝警疎慵

未敢歎瞻忽更問毫釐間是同端是別

屢遊廬阜欲賦一篇而不能就六月中休董役  
臥龍偶成此詩

登車閩嶺微息駕康山陽康山高不極連峰鬱蒼蒼金  
輪西嵯峨五老東昂藏想象仙聖集似聞笙鶴翔林谷  
下淒迷雲闕杳相望千巖雖競秀二勝終莫量仰瞻銀  
河翻俯看交龍驤長吟謫仙句和以玉局章疇昔勞夢  
思茲今幸徜徉尚恨忝符竹未愜棲雲房已尋兩峰間

結屋依陽岡上有飛瀑駛下有清流長循名協心期弔  
古增悲涼壯齒之音節頽年矧昏荒誓將塵土蹤暫寄  
雲水鄉封章倘從欲歸哉漂滄浪

臥龍之遊得秋字賦詩紀事呈同遊諸名勝聊  
發一笑

躡石度急澗窮源得靈湫谿谿兩對立噴薄中怒投何  
年避人世結屋棲巖隈嘉名信有託故迹誰能求我來  
一經行淒其仰前修鄰翁識此意伐木南山幽為我立

精舍開軒俯清流多岐諒匪安一壑真良謀解組云未  
遂驅車且來遊嘉賓頗蟬聯野藪更獻酬飲罷不知晚  
欲去還淹留躋攀已別峰窺臨忽滄洲下集西澗底沉  
吟樹相樛玉淵茗飲餘三峽空尊愁懷賢既伊鬱感事  
增綢繆前旌向城郭回首千峰秋

分韻得眠意二字賦醉石簡寂各一篇呈同遊  
諸兄

醉石

驅車何所適往至秋雲邊企彼澗中石舉觴酌飛泉懷  
我千載人矯首辭世喧淒涼義熙後日醉向此眠仰視  
但青冥俯聽驚潺湲起坐三太息涕泗如奔川神馳北  
闕陰思屬東海壖丹衷竟莫展素節空復全低回萬古  
情惻愴顏公篇為君結茅屋歲暮當來還

簡寂

天秋山氣深日落林景翠亦知後騎迫且復一流憩環  
瞻峰列屏迴矚泉下淠永懷仙陸子久挹浮丘袂於今

知幾載故宇日荒廢空餘醺壇石香火誰復繼更憐韋  
刺史五字有真意虎竹付歸人悲風起橫吹沉吟向絕  
迹浩蕩發幽寄來者知為誰念我儻三喟

遊白鹿洞喜得謝字賦呈元範伯起之才三兄  
并示諸同遊者

歲月有環周窮臘忽受謝眷眷山水心幸此朱墨暇招  
呼得良友邂逅成夙駕深尋故轍迹喜見新結架永懷  
拾遺公藏器此待價橫流詩書澤下及楊李霸炎神撫



興運制作流大化石室萬卷藏綸言九天下規模未云  
遠荒蕪良可詫自非賢邑宰誰復此精舍會當求教賜  
畢願老耕稼更與盡心期臨流抗風榭

祕閣張丈簡寂之篇韻高難繼別賦五字以謝  
來貺

勞農會稽宅息駕丹元鄉丹元不可見翠壁空雲房是  
時中春月暄風發青陽白水注幽壑綠樹敷崇岡俯聽  
足怡悅仰觀共徜徉班坐得瑤草傾壺出瓊漿長吟遊

仙詩亂以招隱章忽忽林景西躊躇申慨慷坐上江海  
客兀傲鬚眉蒼逆氣邁霽漢英詞吐琳琅思與泉石勝  
韻隨笙鶴翔追遊不敢及咏歎可能忘

俗傳歸宗是王  
右軍故宅陸修

靜封丹  
元真人

秋日告病齋居奉懷黃子厚劉平父及山間諸  
兄友

出山今幾時忽忽歲再秋江湖豈不永我興終悠悠况  
復逢早魃農畝無餘收赤子亦何辜黃屋勞深憂而我

忝朝寄政荒積憊尤懷疴臥空閣惻愴增綢繆東南望  
故山上有玄煙浮平生采芝侶寂寞今焉傳朝遊雲峰  
巔夕宿寒巖幽為我泛瑤瑟冷然發清謳裂牋寄晨風  
問我君何求洪濤捩君柁狹硤摧君輶君還若不早無  
乃非良謀再拜謝故人低徊更包羞桂華幸未歇去矣  
從君遊

夜坐有感

秋堂天氣清坐久寒露滴幽獨不自憐茲心竟誰識讀

書久已懶理郡更無術獨有憂世心寒燈共蕭瑟

奉同尤延之提舉廬山雜詠十四篇

白鹿洞書院

在郡城東北十五里

昔人讀書地町疇白鹿場世道有升降茲焉更表章矧  
今中興年治具一以張絃歌獨不嗣山水無輝光荒榛  
適翦除聖謨已汪洋亦有皇華使肯來登此堂問俗良  
懇惻懷賢增慨慷雅歌有餘韻絕學何能忘

折桂院黃雲觀

在書院東北五里院後作亭取李白黃雲萬里動風色句

名之

城中東北望五老何蒼蒼下有前朝寺一原頗深藏門

前林澗幽屋後雲木荒閒窗亦明潔著此瑞錦張

僧房有瑞

香花更能理枯筇步上林北岡仰視天宇闊俯瞰江流長

即黃雲觀

受書彼何人姓字不足詳竹帛有遺臭桂樹徒芬

芳

李逢吉嘗讀書此院去而登第以故得名

楞伽院李氏山房

在折桂西十里李公擇讀書處有東坡記文詩刻枯

樹墨

跋

躡石循急澗穿林度重岡  
倏入幽谷邃仰見奇峰蒼  
李公英妙年讀書此雲房  
一去上臺閣致身何慨慷  
蘇公記藏書文字有耿光  
餘事亦騷雅戲墨仍風霜  
兩公不歸來歲月忽已荒  
何用建遺烈寒泉薦孤芳

棲賢院三峽橋

在楞伽西五里

兩岸蒼壁對直下成斗絕  
一水從中來湧湍知幾折  
石梁據其會迎望遠明滅  
倏至走長蛟捷飛翻素雪  
聲雄萬霹靂勢倒千嵒嶮  
足掉不自持魂驚詎堪說  
老仙有

妙句千古擅奇崛尚想化鶴來乘流弄明月

西澗清淨退菴

在棲賢西三里劉凝之舊隱作亭取黃太史詩語名之

凌兢度三峽窈窕復一原絕壁擁蒼翠奔流逝潺湲聞  
昔避世人寄此茅三間壯節未云遠高風遠難攀深尋  
得遺墟縛屋臨清灣坐晚寒木杪飛泉閤雲關茲遊非  
昔遊累解身後閒保此清淨退當歌不能謏

解印後與友生遊集

徘徊久之

臥龍菴武侯祠

在西澗西三里

空山龍臥處蒼峭神所鑿下有寒潭幽上有明河落我  
來愛佳名小築寄幽壑永念千載人丹心豈今昨英姿  
儼繪事凜若九原作寒藻薦芳馨飛泉奉明酌公來識  
此意顧步慘不樂抱膝一長吟神交付冥漠

萬杉寺

在臥龍  
西十里

休沐聊命駕駕言何所之行尋慶雲寺想像昭陵時門  
前杉徑深屋後山色奇空山歲年晚鬱鬱凌寒姿當年  
雨露恩千載有餘滋匠石不敢睨孤標儼相持

寺前後  
杉萬本



皆天聖中植有  
旨禁翦伐者

更啓石室藏仰瞻天象垂願以清淨化

永為太平基

寺藏仁祖御飛  
白書有清淨字

開先漱玉亭

在萬杉西三里亭  
舊在橋上今廢

奇哉康山陽雙劍屹對起上有橫飛雲下有瀑布水崩  
騰復璀璨佳麗更雄偉勢從三梁外影落明湖裏平生  
兩仙句詠歎深仰止三年落星灣悵望眼空昧今朝隨  
杖屨得此弄清泚更誦玉虹篇塵襟諒昭洗

簡寂觀

在開先西五里  
陸修靜所居

高士昔遺世築室蒼崖陰朝真石壇峻煉藥古井深結  
交五柳翁屢賞無絃琴相攜白蓮渚一笑傾夙心晚歲  
更市朝故山鎖雲岑柴車竟不返鸞鶴空遺音

修靜晚為宋明

帝召至建康卒於崇虛館

我來千載餘舊事不可尋四顧皆絕壁苦

竹寒蕭慘

相傳竹是修靜手植其萌即所謂甜苦筍者

歸宗寺

在簡寂西十里

金輪紫霄上寶界鸞溪邊往昔王內史願香有餘煙

相傳

寺是王右軍故宅

十年今一歸景物還依然澗水既蕩潏山花

亦清妍不辭原隰勞樂此賓從賢訪古共紆鬱勞農獨  
勤拳憐我乖勝踐裂牋寄真詮逃禪公勿遽且畢區中  
緣是日熹以事  
不得陪杖屨

陶公醉石歸去來館

在歸宗  
西五里

予生千載後尚友千載前每尋高士傳獨歎淵明賢及  
此逢醉石謂言公所眠况復巖壑古縹緲藏風煙仰看  
喬木陰俯聽橫飛泉景物自清絕優游可忘年結廬倚  
蒼峭舉觴酌潺湲臨風一長嘯亂以歸來篇

溫湯

在醉石南二里

連山西南來中斷還崛起干霄幾千仞據地三百里飛  
峰上靈秀衆壑下清美逮茲勢力窮猶能出奇偉誰燃  
丹黃燄爨此玉池水客來爭解帶萬劫付一洗當年謝

康樂絃絕今已矣水碧復流溫相思五湖裏

康樂湖中詩云水碧

輟流溫豈未見此水也耶

康王谷水簾

谷口景德觀在溫湯西十五里入谷又十五里至簾下

循山西北驚崎嶇幾經丘前行荒蹊斷谿見清溪流一

涉殿臺古再涉川原幽縈紆復屢渡乃得寒巖陬飛泉  
天上來一落散不收披崖日璀璨噴壑風颼颼追新釀  
絕品淪茗澆窮愁敬酹古陸子何年復來遊

陸鴻漸茶經第此水

為天下第一

落星寺

在郡城南湖中

浩浩長江水東逝無停波及此一回薄湖平煙浪多孤  
嶼屹中川層臺起周阿晨望愛明滅夕遊驚蕩磨極目  
青冥茫回瞻碧嵯峨我不復車馬迹惟聞榜人歌我願辭

世紛茲焉老漁蓑會有滄浪子鳴舷夜相過

遊天池

三年落星渚北望天池山臨風幾浩歎欲往無飛翰今  
朝復何朝陟此青雲端高尋已竒絕俯瞰何其寬西窮  
濂溪源東盡湓城關渺然滄波外淮山碧連環我意殊  
未極更思出塵寰何當駕輕鴻八表須臾間視此長江  
水滔滔儻西還

次子厚秋懷韻

秋風何方來為我滌殘暑庭梧亦何與索索終夜雨冥  
思感物變念茲離索苦浩蕩信莫量幽紛那得覩丁年  
舍我去憔悴故其所廓落濟時心頽然復安取永懷平  
生友夢想見睂宇今晨枉秀句爛若朝霞舉去去復采  
芝高軒坐凝佇

讀子厚詩卷用其卒章晨起之韻作詩寄之

晝永倦殘暑宵分喜新涼天雞一振翼爛爛曉月光病  
榻感虛徐中庭起翱翔懷哉穀城子物外久不忙掩抑

琴調希激烈歌聲長契闊恨清賞佳期未渠央絨詞託  
歸鳥側佇何能忘

酬黃子厚見訪歸途惠詩韻

樞驥倦千里籠鶴思九臯念昔田舍日不知山林高一  
朝逢世紛故丘得潛逃平生棲遁志茲焉始堅牢故人  
穀城翁高情北窗陶亦復喜我歸巾車歎林巢甲旦更  
離閣中情重切切

寄題九日山廓然亭



昨遊九日山散髮巖上石仰看天宇近俯歎塵境窄歸  
來今幾時夢想挂蒼壁聞公結茅地恍復記疇昔年隨  
流水逝事與浮雲失了知廓然處初不從外得遙憐植  
杖翁鶴骨雙眼碧永歎月明中秋風桂花白

題君子亭

清晨坐武觀涼風動高旌挾弓一笑起屈此四座英破  
的亦已屢穿楊詎云精軍吏不敢賀高鳥時相驚解韉  
脫決遂緩帶飄華纓俯仰新亭幽曠然塵慮清內正外

自直三揖奚所爭端居得深翫君子非虛名

伏承子直都督侍郎臨餞遠郊仍邀嚴州郎中  
及諸名勝相與燕集分韻賦詩熹得時字輒成

鄙句

芳歲倏云晏故山風雪時胡為在中路復此行遲遲為  
有賢主人愛客情依依昨夕西門道終宴不能辭今朝  
復何朝祖帳遙相追賓從皆俊賢車馬有光輝敞扉得  
華觀俯檻臨清池南州淑氣多蕩節佳景隨雪樹雖改

色青山正含姿

朱氏園林谷中有梅近百株是日花落已盡

開尊酌春醪授

簡哦新詩但覺四座歡不知寸晷移流雲暗寒空蒼煙染人衣相看暮色至我去公當歸別袖不忍分扣扣陳苦詞願公宗令德慰我渴與飢

臘月九日晚發懷安公父教授壽翁知丞載酒為別而元禮景高子木擇之廷老考叔舜民諸賢相與同舟乘便風頃刻數十里江空月明飲酒樂甚因以星垂平野闊月湧大江流分韻熹

得星宇醉中別去乃得數語略記一時之勝云

挂帆望煙渚整棹別津亭風水已云便我行安得停離

樽枉羣賢濁醪媿先傾

二公廚船未至先飲舟中餘尊

談笑不知遠但

覺江流清

江水上流接建劍溪潮所不及水益清駛

獵獵甘蔗洲茫茫白沙

汀斯須復回首祇有遙山青

甘蔗白沙兩地名相去十里許頃刻而過

野色

一以暝川光晶孤明中流漾華月極浦涵疎星酒酣客

散歸茫然獨宵征起視天宇闊此身一浮萍難追五湖

遊未願三閤醒且詠招隱作孤舟轉鈴屨

送彥集之官瀏陽

急景凋暮節高風振空林病夫掩關臥長謠擁孤衾聞  
君千里行四牡方駸駸重此別離感青天欲愁陰君行  
豈不勞民瘼亦已深催科處處急椎鑿年年侵君行寬  
彼毗足以慰我心薦書會滿篋社酒還同斟所念家同  
產與君如瑟琴茲焉不並駕宰木寒櫛櫨尚喜我諸甥  
男恭女知欽明朝復相憶悵望楚山岑

石馬斜川之集分韻賦詩得燈字

改歲風日好出門欣得朋復招里中彥及此雲間僧行  
行涉清波斯亭一來登徙倚綠樹陰摩娑蒼石稜遙瞻  
原野春仰視天宇澄一水既紆鬱羣山正峻嶒時禽悅  
新陽潛魚躍輕冰却念去年日俯仰愁予膺長吟斜川  
詩日落寒煙凝暝色變晴景清尊照華燈頽頽感川徂  
稚齒歡年增酒盡不能起朱闌各深凭

遊石馬以駕言出遊分韻賦得出字

抱病守窮廬閉戶常罕出坐見春氣深清陰晝蒙密今

朝積雨過淑景回煦律不有塵外蹤何由散愁寂行行  
整巾屨散漫委書帙野徑自縈紆前峰但窺翠婆婆茂  
樹下左右寒流汨亂石翳蒼根於焉憩腰膝追遊固才  
彥逢遇亦奇逸招邀媿深情晤言永茲日君有尊中物  
我進沂上瑟日夕不得留餘歡未云畢

比與鄰曲諸賢修舉歲事攜壺石馬追補斜川  
之遊而公濟適至飲罷首出和陶之句以紀其  
勝輒亦用韻酬答兼呈諸同遊者請共賦之

皇天分四序代謝無時休昔人抱孤念感此成清遊迴  
眺曾城臯朗詠斜川流歲月今幾許長波沒輕鷗眷言  
撫佳辰荒尋靡遺丘且復置往事及茲命高儔縱策聊  
並歡飛觴起相酬未知千載下亦記此日不商歌有遺  
音林樂無餘憂但得長如此吾生復何求

行視武夷精舍作

神山九折溪沿泝此中半水深波浪闊浮綠春渙渙

武夷

溪凡九曲多急流亂石此第五  
曲水特深闊平緩綠漪可愛

上有蒼石屏百仞聳雄



觀嶄巖露垠堦突兀倚霄漢

此峰夷上削下拔地峭立如方屋帽按舊圖名大隱

屏淺麓下縈迴深林久叢灌胡然閱千載逮此開一旦

峰下小山重複中有平地數十丈喬木長藤茂林修竹交相蔽隱舊無人跡乾道己丑予舟過而樂之及今始能卜築以我乘新邨船輟棹青草岫榛莽喜誅鋤面勢酬曩志

窮考按居然一環堵妙處豈輪奐左右直巖奇峰躊躇極

佳翫

方經始時予以病不能來至是送別山西始自新邨買舟以來視所縛屋三間制度殊草草然背負

大隱屏面直溪南大山左有魏王上昇峰右有鍾模三教等石極為雄勝是時芳節闌紅綠

紛有爛好鳥時一鳴王孫遠相喚

山多獼猴

暫遊意已愜獨

往身猶絆珍重舍瑟人重來作幽伴

已約初夏與同志皆往遊集

乙卯八月晦日浮翠亭次叔通韻

弱質有孤念獨往窮名山那知歲月逝白首塵埃間  
今朝定何期憑高睨清灣羣賢亦戾止共此一日閒  
晤言不知疲林昏鳥飛還勝踐可無紀重來諒非難  
留語巖上石毋使門常關

宿石岳館二首

春江日東注我行溯其波揚帆指西滙兩岸青山多青

山自逶迤飛石空嵯峨綠樹生其間幽鳥鳴相和褰篷  
騁遐眺擊楫成幽歌獨語無與晤茲懷竟如何

停驂石岳館解纜清江濱中流櫂歌發天風生水鱗名  
都固多才我來友其仁茲焉同舟濟詎止胡越親舞雩  
諒非遠春服亦已成相期豈今夕歲晚無緇磷

題沈公雅卜居圖

昔者仲長子高情世無儔一旦謝塵躅卜築娛清幽茅  
屋八九間下有良田疇後簷果垂實前庭樹相樛勝日

賓友來琴觴共舒憂言論叢幽妙理亂窮端由至今一卷書凜然昭千秋沈侯經濟業夙尚本林丘談笑出幻境寤言躡斯遊仰睇白石岡俯濯青瑤流曠然宇宙外邈矣將焉求

伏讀尤美軒詩卷謹賦一篇寄呈伯時季路二兄

我聞洞巖幽結友事臨眺浮言妨勝踐悵望空永嘯歸來眩奇語更欲窮竒祿却尋兩翁意宴坐得觀照鳴泉

俯琮琤穹石仰蒼峭共與前創古三歎遺墨妙神遊恍

不隔仁宅欣有要回首鹿門期寒雲生遠嶠

熹自林泉  
結德寒巖

之行而同行有不欲者遂已詩卷之首即東萊舍  
人呂公上饒尚書汪公軒蓋玉水工部喻公所書

呂祖謙

送宋子華通判長沙

騷人故悲秋九辨播三楚宋公舊題壁文彩照潭府千  
載得君侯遙遙接華緒還當初秋天又進湖湘櫓當家  
多勝事此役可兼取江山日日新一若相勞苦木脫獻

羣峰雲生失前浦況持別乘權光華動徒旅元戎下分  
庭百史羣趨廡後車載仁風習習被南土預知潢池盜  
無復驚枹鼓政當勸賣劍不必禁挾弩入獻有訐謨論  
賞駢圭組臨分一杯酒不為離愁舉

送丘宗卿博士出守嘉禾

攜李國西門道里去天咫訟庭人摩肩客館舟銜尾涼  
燠變須臾風俗怵駭視心平理自見周道本如砥

堂下萬休戚堂上一笑頰是心苟不存對面越與秦豚

魚尚可孚况此能言民君看津頭柳葉葉皆相親  
奮髯疾抵几解衣徐探雛古來多快士氣吞兩輪朱簿  
書高沒人迎筆風摧枯自許豈不豪歲晏終何如

野步

石渠俯清流苔髮明可數茅簷春晝長寂寂亭陰午鳥  
啼花徑深風絮浩無主幽人不可覲棋聲時出戶

御選宋詩卷二十

謹案卷十九第十四頁前二行泉潔謹炊鬻刊本  
鬻訛鬻按鬻即煮字周禮鹽人凡齋事鬻鹽以  
待戒令漢書食貨志冶鑄鬻鹽今據改







總校官庶吉士臣侍朝

校對官檢討臣蕭九成

謄錄舉人臣李駟

欽定四庫全書薈要

集部

御選宋詩卷二十一

詳校官原任主事<sub>臣</sub>李斯咏

欽定四庫全書薈要卷一萬八千三百二十八

集部

御選宋詩卷二十一

五言古詩十二

張栻

采菊亭為建安丞張君賦

陶公千載人高標跨餘子豈無濟時念斂蔭獨知止歸  
來臥衡門無愠復何喜九日天氣佳東籬擷芳蕊舉頭  
見南山佳處政在此地偏心則遠意得道豈否張侯謝



銀魚築室娛燕几小亭才尋丈景物自新美頗聞雙瞳  
清亦復強步履不妨數登臨倚杖看雲起高詠悠然篇  
飛鴻送十里

遊南嶽風雪未已決策登山用春風樓韻

人言南山巔煙雲聳樓觀俯瞰了坤倪仰攀接天漢勇  
往愧未能長吟湘水畔茲來渺遐思風雪豈中斷行行  
重行行敢起自咏歎我聞精神交石裂冰可泮陰沴驅  
層霄杲日麗旭旦決策君勿疑此理或通貫

陪舍人兄過陳仲思溪亭深有買山卜鄰之意  
舍人兄預以顓臾見名因成古詩贈仲思

築居湘水濱歲月亦已久寧知負郭東勝處入君手回  
環煙塢深有此溪十畝朝暾穿林薄荷氣薰戶牖堂堂  
我州牧下馬喚賓友主人故喜事一笑具有藪汲泉汎  
崇蓮洗醖傾穉酒淋漓壁間書自可傳不朽我獨留薄  
暮並溪時矯首人言君不偶此豈落人後觀君睂宇間  
似亦挾所有隔溪更幽絕古木蔭高阜却立望遙岑四

序列鍾貞買山我計決便欲翦榛莠居然顓一壑豈羨  
印如斗未知鄰家翁還肯見容否

送黃子默

元祐不復見太史今諸孫人物尚論世典型故猶存酣  
歌拓金戟三年佐雄藩超然車馬中高韻獨孤騫永懷  
白鷗盟修竹滿故園得句見睂睫外慕何足言顧以感  
知己跋馬向修門朝開英俊途王度待討論小試翰林  
手乘槎薄崑崙我懶臥衡麓秋風擷蘭蓀交遊歎益落

拭目看騰掀軒冕豈足貴政爾名義尊執手念相聞此  
意古所敦

過胡文定公碧泉書堂

入門認溪碧循流識深源念我昔來此及今七寒暄人  
事幾更變寒花故猶存堂堂武夷翁道義世所尊永袖  
霖雨手琴書貴丘園當時經行地尚想語笑溫愛此亭  
下水固若玻璃盆晴看浪花湧靜見潛鱗翻朝昏遞日  
月俯仰鑑乾坤因之發深感倚檻更忘言



自西園登山

雨後溪重碧木落山增明西風肅羣物感此秋氣清振  
衣千崖表俯瞰萬籟生匪云幽遐慕政爾未忘情

路出祝融背仰見上封寺遂登絕頂

我尋西園路徑上上封寺竹輿不留行及此秋容霽磴  
危霜葉滑林空山果墜崇蘭供清芬深壑遞幽吹不知  
山益高但覺冷侵袂路回屹陰崖突兀聳蒼翠故應祝  
融尊羣峰拱而侍金碧雖在眼勇往詎容憩絕頂極遐

觀脚力聊一試昔遊冰雪中未盡登臨意茲來天宇肅  
舉目淨纖翳遠邇無遁形高低同一視永惟元化功清  
濁分萬類運行有機緘浩蕩見根柢此理復何窮臨風  
但三喟

中夜祝融觀月

披衣凜中夜起步祝融巔何許冰雪輪皎皎飛上天清  
光正在手空明浩無邊羣峰儼環列玉樹生瓊田白雲  
起我旁兩腋風翩翩舉杯發浩歌萬籟為寂然寄言平

生友誦我山中篇

晨鐘動雷池望日

浮氣列下陳天淨澄秋容朝暾何處升彷彿認微紅須  
臾眩衆采閭闔開九重金鉦忽湧出晃蕩浮雙瞳乾坤  
豁呈露羣物光芒中誰知雷池景乃與日觀同徒傾葵  
藿心再拜御曉風

臘後一日尋梅東門外馬上遇雪

羸驂出東郭靜與幽意期尋梅冷入眼野路信所之寒

萼蘄未吐我自愛橫枝雪花忽排空成此一段奇歲晚  
故人閣天寒鴻雁稀南國少霜霰北山多薜薇坐看節  
物改莫遣心事違角中風獵獵日暮獨吟歸

次韻元晦擇之雪中見懷

流水浩無息遊雲去不休我思在何許起步三徑幽男  
子四方志胡為守一丘盍簪未可期此意空綢繆平生  
子朱子砥柱屹橫流探古獨遐觀萬象供雙眸結友得  
林子苦心自窮搜看渠清介姿便可披羊裘昔者千里

駕共我風雪遊永言清絕景祇以好語酬居然隔年別  
却喜翰墨留詩來尚記憶知子不我尤講習今難忘離  
索古所憂但當勉耘耔歲晚儻可收

湖南參議宋與道奉祠歸崇安里中賦此以別  
憶昔歲丙寅束書從吾翁驅車服嶺南弭節湟江東湟  
江地僻左窮年少過從邂逅傾蓋友一笑蠻煙空秋水  
泛孤艇春郊支短筇琴書適有餘酬唱寫不供豈惟吾  
曹歡固足愉親容日月遽如許於今再星終中間亦會

面別去復轉蓬歸來洞庭野乃此相迎逢回首歎風樹  
欲語悲填胸愛君堅忍姿凜凜霜後松徐公真有常意  
味與曩同而我學不進長大如愚慙幸蒙故人惠苦語  
相磨礱梅霖漲宿潦行李何怱怱自云洞庭樂遠勝千  
戶封將兒更抱孫綵衣映護叢搜竒萃圖刻攷古羅龔  
鐘知君頗挾此詐信詩能窮同里有佳人抱獨環堵中  
未妨間暇日更共討論功他時有新得為寄冥飛鴻

五月十六日夜城南觀月分韻得月字

梅收清風來宇淨寶鑑揭頻年城南遊未有今夜月呼  
舟泛微瀾遊魚亦出沒危榭倒影浮倚檻涼入骨舉酒  
屬西山寒光動林樾諸君興未已南阜上突兀極目大  
江流高情更超越

題榕溪閣

寒溪澹容與老木枝相樛其誰合二美名此景物幽太  
史昔南驚於焉曾少休相當下榻初清與耳目謀品題  
得要領亦有翰墨留我來訪遺址密竹鳴鉤輶稍令舊

觀復還與佳客遊樹影散香篆水光汎茶甌市聲不到  
耳永日風颼颼所欣簿書隙有此足夷猶平生丘壑願  
如痼不可瘳雖知等喧寂終覺靜理優更思濯滄浪榕  
根浮小舟

### 止酒

淵明通達士止酒乃成詩終焉未能忘寄意良在茲勇  
哉典午君覆觴無再期念彼萬乘貴艱難有深思况乃  
一介士而或志可移被齋揆前訓剛制聖所辭銘心諒



無數多言亦奚為

靜江歸舟中讀書

南風駕小雨羣山淨如沐吾歸及新涼所歷慰心目  
軋柔櫓鳴臥見山起伏推枕意悠然還取我書讀平生  
領解處於焉更三復老矣百念疎但欲斯境熟向來五  
嶺遊目力半更牘小心了官事終覺媿惇獨世路自險  
夷人情費追逐翩翩孤飛翼息蔭望林麓

張子真楊政光吳德夫追路湘源賦此以別

驅車出巖關觸熱歸路長一雨羣物蘇我行亦清涼  
水自南去湘流正洋洋眷言二三友跋馬勤送將蕭然  
短長亭每語夜未央張子名家駒千里方騰驤楊郎嶺  
中彥而能斂鋒鏌延陵舊所熟氣味固難忘向來幕府  
遊三秀麗齋房居然出別語分袂楚粵鄉人生會有別  
忽悲參與商獨有贈言意臨歧更平章風俗易移人宦  
途劇羊腸千鈞有不守決去飛鳥翔要當勉自持詩書  
作金湯他年相會處刮目看增光為謝桂父老無澤留

一方惟餘石間字時與洗蒼簑

李仁甫用東坡寄王定國韻賦新羅參見貽亦

復繼作

三韓接蓬萊祥雲護山頂涵濡雨露春吞納日月景美  
陰背幽壑靈根發奇穎艱難航海包裹走湖嶺仙翁  
閱世故未肯遽生癭相期汗漫遊歲晚共馳騁願持紫  
團珍往扣黃庭境想翁面敷腴玉色帶金井云云納歸  
根湛此方寸靜清規照濁俗不惑類楊東懸知樂籠中

此物配丹鼎從今談天舌不用更澆茗

廬山有勝處曰臥龍南康朱使君始築茅繪諸  
葛武侯像於其中以書屬予賦詩寄題此篇

廬山仙靈宅佳處固非一頗聞臥龍勝幽深諒難匹懸  
瀑瀉琮琤石壁兩翠律草木被光輝波瀾動回沒今年  
朱使君下馬恍若失徘徊領妙趣指點築茅室為愛臥  
龍名英姿慨超軼於馬儼繪事長風起蕭瑟髣髴梁父  
吟尚想翁抱膝慘澹風雲會飄忽日月疾獨存經世心

千載詎可汨褰裳欲從之雲濤渺寒日

王十朋

田畝十首

錄二首

竹有君子節青青貫四時桃李媚春光千株弄妖姿  
眼悅繁豔疇能賞幽奇君看桃李蹊蹄轂紛爭馳君看  
竹林下形影誰相隨七賢久淪沒高躅猶可追吾家植  
千竿風月足自怡豈不競時好聊為歲寒期

儒冠誤身世偃蹇二十年豈不懷明主富貴乃在太平

生學忠孝自致無由前青燈照長夜感激徒自憐

送凌知監赴玉環次覺無象韻

晨興趣行裝秋色滿離席悲風苦送聲短晷頻移刻蘭  
舟薄暮發去去轉遐僻極目望官所沉沉煙靄積清有  
濯纓水白有漱齒石悠然水石間宦情聊自適朝馬遊  
其南暮馬戲其北

玉環有  
南北社

彼微山中鳥亦將識公德公

無賦歸來田園付人役

毛虞卿見過

故人訪吾廬況是清和節高槐綠成陰芳草碧未歇攜  
手山間行清興浩然發呼童具雞黍濁酒醅初潑貧居  
媿荒涼野藪草羅列盤實飮梅豆蔬餐薦薇蕨主禮雖  
甚微客色未嘗缺醉翁山水意不為壺觴設蟹眼煎新  
汲雀舌烹春撝澆君文字腸掉我清談舌人生會面難  
歲月易飄忽君姑為我留息息莫言別

別周德遠諸友

山城過疎雨客館生新秋鄉心離病思浩蕩不可留憶

昨初來時園花弄春柔俯仰節物變木杪風颼颼旅食  
百日餘故人情已周論文有深味惜別添牢愁槐花物  
色老琴書散交遊暖律回南枝相期汎仙舟

納涼偶成

架松却煩暑梳竹來清風頑然七尺軀寄此微涼中高  
枕傲有道深杯醉無功山林有餘樂此興誰我同

和韓詩秋懷十一首

并序

丁卯季冬赴省試臨安至明年暮春側翅東歸既



至會稽復還太學時方首夏草木敷榮良苗懷新  
遊目原隰與物助欣至閏八月告歸復尋故道雲  
水已空園林初落悽然感觸不能自己是月十有  
七日言息其廬定省之暇親戚鄉里日相過從有  
詩酒之樂翫然無復得失之在懷也清夜兀坐短  
檠自照誦韓退之秋懷詩十有一章欣若有悟因  
追其韻太山北斗我實慕之白雪陽春和以巴詞  
云

孟夏遊會稽禾稼方薿薿南風翼新苗生意殊未已重  
來覺非久相去百日耳黃雲萬頃空蘋末涼風起林園  
亦搖落觸目成疑似人生過隙駒朱顏何足恃胡為向  
迷途奔走不停軌得失無榮辱歸來實堪喜

草木無利名時來自禁悴人生異草木百念起心地困  
窮斯感傷利達或驕恣一朝同物化榮辱兩何異有酒  
且行樂不必富與貴

直道疾伊優壯懷增靡曼海上豕方牧夜中牛屢飯半

生營一名偃蹇未如願青銅忽自照白髮已堪歎斥鷃  
適蓬蒿大鵬搏九萬物情貴得所奚用求自獻富貴似  
可喜貧賤亦何怨

秋雨浸成潦秋霜漸為凌老樹暗寒蟬腥盤集痴蠅天  
涯有歸客面目吁可憎吟餘自捫腹肝膽空稜稜臨淵  
不善漁籬頭挂寒罾數椽茅屋下養此百不能

秋懷蟲共悲秋夜鶴同警輝輝玉繩低耿耿銀漢永靜  
思鳬鳥喬遐慕螭蟠猛途遠慵著鞭井深艱下綆鳥倦

當知還馬失亦云幸窮通委天命塵慮可深屏

客路厭煩暑歸懷愜新景枕冷夢自清夜明窗更同聊  
棲明月枝勝逐西風梗支牀甘自息伏櫪倦思寢惟有  
問目心拳拳慕回請

窗几生新涼燈火照初暗省已有昨非探懷無宿憾古  
書恣掀翻古意薄窺瞰心將遊寂寞語復攻苦淡實歎  
名忌浮才疎得懲濫守志懼不堅入道恐成暫性柳戒  
戕賊心猿思繫纜有友頻琢磨無官自校勘澹然學揚

雄不恨儲無覩

賢關藹多士頭角爭軒軒中有倦遊客虛名厭馳奔學  
為忠與孝思踐陽城言高秋賦歸去戲舞庭闈前東園  
柿栗熟採摘供盤飧兄弟各賦詩集作棣萼編甲乙二  
孺子日誦言半千學語三歲時笑味生甜酸欣然動我  
懷長夜不成眠歸來有此樂亦可終殘年

吾廬有修竹滴翠凝不乾天風一吹拂終夜鳴琅玕黃  
楊亦嘉樹一甕何團團日暮飛禽歸啾然欲求安嗟予

欲何為屢涉吳江濶一名竟未就舉彈空飛丸對菊賞  
嘉樹聊繫子征鞍

商飆起何處古樹生秋聲肅肅夜氣寂悠悠月華明兀  
兀念前古孜孜殫寸誠點點守孤陋兢兢防滿盈興至  
役詩匠愁來驅酒兵自適布衣願未覺青衫榮長鬚與  
赤脚亦足供使令

鮮鮮霜中菊誰云晚不好開日即重陽雖晚亦同蚤對  
景便須醉浮生苦難保胡為楚大夫不飲致枯槁何如

醉鄉人雖醉亦有道

同莫教授朱縣丞朱司理遊西園

黎明出城郭偶作西園遊  
春淺花未都池寒綠初抽  
湖山欲縱目煙靄浮不收  
初來興非淺心賞殊未酬  
賴有三君子清談洗牢愁  
更期春色濃攜酒汎仙舟

薛師約撫幹召飯于圓通寺主僧淪茗索詩

綠暗梅欲雨風薰麥初秋  
官舍厭界濕僧廬訪清幽  
儒餐慣蔬飯道話便茶甌  
鑑湖倘容覓杖屨時來遊

同錢用明用章遊白石巖

謝公好山水得郡古東甌造物惜佳境雅志多不酬  
松蘿蔽雁宕煙靄埋龍湫行田徑白石不到僊山頭  
寥寥數百年天付黃冠流巍然萬仞崖壁立東南州  
誰將補天手化出白玉樓兩龕藏洞府中有羣仙遊  
上通尺五天天下接三神洲飛泉落巖腰碧澗鳴山  
陬羣峰真培塿滄海為渠溝隘視人間世萬象同蜉  
蝣我家雁山陽崎嶇厭經丘翩翩錢公子呼我尋巖  
幽初驚小雨密忽埽



羣陰浮杖屨窮嶠一洗塵埃眸山林有真樂富貴何  
足求但願乞二山不願萬戶侯

二山白石雁蕩

胡祕監攜具道山集羣仙賞醑醺和東坡詩真  
雅會也某偶以私試鎖宿不與遂次其韻

紅紫紛爭先醑醺分甘晚誰栽羣玉府童童翠張幃華  
共芸芬香韻隨官逸遠

館中醑醺在著廷之後著作郎號逸遠官

奚用然青

藜端能照書苑先生海上歸平步到達巘招邀飲醇酎  
剛腸出清婉遙思吳宮魂故作楚詞挽勿為花所留興

盡要知返

九日不登高與兄弟鄰里就敝舍飲菊

中秋對月明九日逢黃花節物豈不好而況身在家尊  
酒釀鄰里盤飧魚鰕何必登高山清歡自無涯

洪景盧以郡釀飲客于野處園賦詩見寄次韻

老境厭吏事歸心遶丘園日月忽有夏炎蒸變春溫芝  
堂熟新釀誰共論文尊緬懷蓬山舊情好素所敦殷勤  
十從事往埽東坡軒深杯滑琉璃不比田家盆醉吟到

高處舞月成清歡我獨坐空齋靜對忘憂萱萱多憂未  
忘香清思猶昏懷君不成寐兩處一聲猿

伏日四望亭分韻得月字

伏日何處遊危亭陰清樾十客同我登詩興浩然發四  
簷山在眼奚用更拄笏小飲未成醺天邊見新月

廬山紀遊四十韻

我性好山水思向廬山廬五老招我遊有約芝山初茲  
行適所願孰曰非天與入眼庾公樓興已先籃輿雲開

聖治峰石扣仙人居

太平興國宮有聖治峰劉仙石

香爐望煙靄淨社

觀芙蓉虎溪聊自笑天池步宜紆

天池最高不及遊

半月圓通

留幽亭樂有餘

寺有至樂亭

趣如六一翁境似山環滁侯溪

煮月泉石耳供巖蔬

峰以生石耳得名

破戒戲魚酒踏園夢羊

猪賢關得家音

二兒時在太學一日得兩書

天恩拜新除抗章復辭

免

前辭夔州今辭入對

行色仍躊躇遂作南山遊首過荆林虛凌

雲入康谷臨流清可漁欲飲第一水山深足超趵湯泉

本何來忽從龍口噓鸞溪尋故家

歸宗寺本王右軍宅

墨沼波猶

渚石境不可見懸崖照誰梳尋真到簡寂入觀驚丘墟

緬懷黃與陸何處飄霞裾

簡寂觀乃陸修靜道場有黃石公巖觀今荒廢

眼明

見飛瀑澗壑鳴瓊琚河落句思李練飛詩陋徐新橋跨

虹霓出月明蟾蜍兩州勞五馬同日傳雙魚

至開先得唐江州李

南康書

神光照萬杉飛白留天書遙瞻星子城青山點春

鉏我行未及西三峽知何如登橋閱天險奮地轟雷車

壯哉五丁力鑿此千尺渠羣峰列耆老深淵蓄璫璫古

刹依朱砂穿林駭猿狙

楞伽在朱砂峰下自棲賢寺路穿荊棘而行

萬卷已

空閣三竹猶扶疎肩輿足繭卒傳詩手疲骨佳境尚無  
窮雅興良已攄身隨禽往還興逐雲卷舒重尋謁菴老  
細論無言予節物變炎涼遲留費居諸在路何悠悠歸  
夢頻蘧蘧秋風還雁蕩緘封寄鄉閭

望黃州

肩輿萬松嶺鼓楫蘆花洲忽見江上山人言是黃州懷  
人望雪堂讀記思竹樓二豪不復見大江自東流

題一覽亭

危亭頂鄂渚欲上初不敢肩輿躡崢嶸眼界驚坎窞青  
山繚江湖煙雨抹濃淡千帆破滄浪萬室照茱萸大澤  
胸可吞秀色手宜攬形勢控上游天險卦侔坎登臨迫  
吹帽秋聲在葭莢銜杯情有欣懷古意多感兩雄孫與  
劉壯志鯨鵬瞰赤壁走阿瞞功業炳鉛槧黃鶴去何之  
靈竹色猶慘樓餘庾公興洲遺正平憾北望舊中原激  
烈壯士膽何由登泰山一快天下覽

十日買黃菊二株

十月更十日黃花開滿枝鮮鮮如可餐采采還自疑重  
陽不堪摘况後一月期既晚何用好茲言聞退之天然  
傲霜性寧問早與遲不以日月斷深杯為花持

解舟

解舟城之南橙橘半青黃時節豈不好胡為辭故鄉親  
朋送我行殷勤餽壺觴我欲與之飲舟去留靡遑僮僕  
別我歸黯然顏色傷問我何時還田園又成荒我心愧  
其言老矣身皇皇五載走三州道路險且長屢請方得



祠暫歸又懷章挈家入南閩兒女不盡將餘生疾病多  
滿鏡鬚髯蒼到官即有乞行將返耕桑

東湖小飲

微涼散梅潤濃綠敷桐陰送客出東郊駕言事幽尋湖  
光照我眼荷香清我襟平疇入遠望歲有其自今牛眠  
種已畢蛤吠苗初深古亭懷二公遙望羅千岑邂逅得  
良友欣然契予心喬松喜客來風枝出清音手持荷葉  
杯共對蓮花斟東湖異西湖有詩不妨吟

修鷹爪花架

有花藤蔓生封植傍州宅狀類鷲禽爪葉作翻風翮酸  
分含笑香黃帶簷蔔色架倒吾為扶清涼納朝夕

采菊圖

淵明恥折腰慨然詠式微閒居愛重九采菊來白衣南  
山忽在眼倦鳥亦知歸至今東籬花清如首陽薇

吳儆

代陳無已述懷

胡馬嘶北風越鳥依南枝人生有氣類千里傾風期君  
看漆室女中宵倚楹悲從君不憚遠秋露濕人衣南山  
白石爛漫漫何時旦獨立占少微搔首空三歎

獨酌

松竹閒幽徑蓬蒿閤荆扉庭前兩梧桐濃綠涵清輝南  
楹開半山晨夕異煙霏樽酒自賓主禽鳥更塤簋飲罷  
兩無言還讀淵明詩

早起

積雨霽窮秋柴局立清曉溪光照煙岫未覺秋容老溪  
邊烏臼林他日沒飛鳥濃綠半枯枝殷紅亂衰草搖落  
想騷人洞庭風嫋嫋

王阮

九月六日泛舟航邨而舟人不審誤抵道場之  
麓越二日登焉因過何山漫賦一首

千巖矗空濛一水還蔥蒨寺從馴虎立山作盤龍轉嗟  
予千里來適此十年願初竿蓮葉舟誤逐桃花片重遺

九節筇上盡百結線陰崖滴翠寒竹韻含風戰樹色爭  
煙霏泓甃靡早暎載窺窄堵尖平視蒼狗變樓閣撐山  
光城郭瞰波面未覺皮肉酸先苦銀海眩晚尋一溪曲  
更得何山便平疇翠浪湧返照金色現回首笑月亭消  
息真已薦

方信孺

題龍隱巖

春波飽微綠斗柄涵空明方舟貫巖腹鷺鶴相酬鳴仰

窺穹窿頂宛轉百怪呈僅餘鱗甲碎不見頭角獐下闖  
清泠淵演迤萬頃澄但同魚鳥參忽遣蛟龍驚扶苔撫  
竒篆倚棹看題名三將標殊勲自與山不傾誰歟贅小  
築政恐山靈嗔南澗更幽絕仙佛依崢嶸太虛可為室  
豈復資藥楹乳泉助茗椀中有冰雪清何須驂鸞去此  
即白玉京鼎來不速客抱琴忽遲迎愛此無絃曲巖溜  
同一聲為君洗塵耳喚我詩魂醒祇愁白衣到好句無  
由成

林光朝

送別湖北漕李祕監仁甫

文字渺煙雲過眼徒浩浩所有未見書惜哉我已老子  
雲客長安陳迹如一埽同叔向來人我生苦不早亦聞  
青城山斯翁為有道瞿塘不可上秋夢長顛倒白日來  
西崑一見自應好縱談百代前至境非枯槁多為開口  
笑明月生懷抱黃鶴有高樓恍如事幽討攬轡逢道州  
聽書下下考周南勿留滯掇拾供史藁分手重酸辛璫

與衆所寶十日不得面何為太草草

送別姚國博知處州分韻得綠字

銅盤白露下松桂淨如沐  
變彼菊花團西風吹醺醪  
長安多別離此別苦不足  
人物如使君容易等潘陸  
一自海東頭清飆起謠俗  
館下欲何言聯翩如破竹  
功名不徒爾無乃相迫逐  
雙日訪延英行矣公勿卜  
括蒼煙雨前寒光貫巖腹  
大叫出銀罌邂逅聚百族  
要攜三月糧所厭惟一菊  
幸心忽開張何曾畏笑僂  
單父勿長吁來



者猶可續道旁有抵壁天下輕結綠一夕洲渚言令我  
沉心曲

薛季宣

吳江放船至楓橋灣

短篷負長虹破籬挂明月風馬坐中生天幕波中出高  
城多隱映遠岫攬羅列小小汎吳江始識仙凡別

刈蘭

東畹刈真香靜院簪鉗水高遠不勝情時逐微風起和

雨翦閒庭誰作騷人語記得舊家山香來無覓處

呂定

懷古

我昔遊海上東望三神山風波幾萬里蒼茫雲靄間魚  
龍自掀舞天空日月閒神仙渺無迹徐福去不還空餘  
蓬萊閣千載留人寰

追和蘇子瞻遊峽山寺韻

山迴寶華閣水遶金鎖灣塵慮頓焉息於茲開我顏疎

鐘日夕動老僧林下還夫風吹白雲悠悠滿松關歸猿  
有餘悲月明嘯空山仙人自何來翱翔八極間手把玉  
芙蓉吟笑鏘佩環歌罷忽飛去千峰堆翠鬟

陸九淵

象山

我家應天山山高數百丈上開園池美林壑千萬狀西  
山有龍虎煙霞耿相望寒清漾微波暖翠圍層嶂天光  
入行舟野色隨支杖吾黨二三子幽賞窮清曠引興谷

雲邊題名巖石上碧桃吹曉笙玄鶴驚春帳一笑詠而  
歸千載應可尚

疎山道中

邨靜蛙聲幽林芳鳥語警山磬紛皓葩隴麥搖青穎離  
懷付西江歸心薄東嶺忽忘飢歎憂翻令發深省

送勾熙載赴浙西鹽

平分浙江流東境浮海角其民仰魚鹽久已困征權麥  
禾與桑麻耕鋤到硤确往歲比不登場圃幾濯濯荒政

勞廟謀賑廩聞數數飢羸不待飽共感君澤渥仁哉覆  
育恩所惡吏齷齪教詔彌諄諄聽受祇藐藐何知國與  
民足已肆貪濁流離且未還已復事椎剝按察殊未曾  
聖主獨先覺重貽宵旰憂顧盼求卓犖君固岷峨英懷  
抱富荆璞邇來奏對語朝陽鳴鷺鷥鏘然歷帝聰簡記  
諒已確外臺適虛席妙選出親擢此節豈輕授委寄重  
山嶽除音九天下衆論靡瑕駁攬轡首越山青萍方在  
握送君無雜言當不負所學

陸九韶

玉兔泉

玉兔愛佳水飲之化為石規圓立山趾皎潔凌皓魄應  
厭舊經躔盈稀缺多夕一從寄茲蹤表表無晦蝕光彩  
雖輪理體素多不易神物豈終潛早晚照九域

劉爚

送吳定夫西歸

君衰倦對客晤語惟青山修竹引清風時為掩柴關今

晨何人來踏破莓苔斑驚顧復自喜不妨伴虛閒  
麻源在何許茫茫白雲端淒其一布衣何以禦風寒歸  
來有餘仰興盡當知還須好劖空谷賸種青琅玕

王炎

遊硯山

他山石徒多器寶匿幽僻產璞芙蓉坑金聲而玉德岡  
巖外鈎聯地勢中斷隔曲塢八九家路入羊豕跡澗水  
抱石根石骨多紺碧北山上攬天南山勢蟠伏硯工二

百指日鑿崔嵬腹篝燈礪斧斤深入逾百尺我行冒風  
雨周覽不知夕夜宿茅茨下青燈照岑寂酒闌呼匠氏  
訪之語纖悉冰蠶吐銀絲蛟人織霧縠巧手琢磨之價  
直黃金鎰斷巖半傾歎舊穴久湮塞旁求得他材飲水  
不受墨堅滑已支庶麤燥乃臧獲信知天壤間尤物神  
所惜罕見固為貴有亦未易識璠玉混一區語盡三嘆  
息摩挲蒼鮮崖此言可深刻

陳造



召伯停舟避雨

去年是日之山陽避雨繁梁作菩薩蠻云

窗度芰荷風。舟艤鴛鴦浦。落帆憩篙師。避此白淙雨。長  
征取愜快。留滯不云苦。適喜縣麻勢。為盪鑠石暑。去年  
舟繫柳。臥看虹飲渚。龍公會事發。尚記跳珠語。崎嶇不  
諧俗。似為龍所予。一杯酌新涼。開筵先酌汝。

過樊邨

襄鄂二千里。何啻三百灣。風色九順逆。左往復右還。舟  
行已三日。沿流不作艱。即今蒼煙面。猶是泊處山。信次

有定期曲直了不關聊可供戲事輕撓與回環

祈雨齊雲樓

波涼魚初浮露下蟬罷警胡牀俯前池妙意吾已領主  
人絕俗姿此地背塵境霜華耿玉宇璇漢轉金餅桂娥  
不無情與客閒弄影紅妝擁千蓋環坐殊秀整盤珍供  
剝芡水厄停煮茗清談略徑庭快若客醒醒不辭僕頻  
更頗覺夜彌永明朝雨一尺重約追霽景但恐閒塵尾  
鼓吹鬧蛙黽適聽步虛聲縹緲碧雲頂

三月初晚晴寄高縉之

曲欄倚青冥萬井入指顧湖光漾明霞照我凭欄處森  
木倦鳥歸遙空征鴻度定知待月人破竹有奇句

遊慈溪龍虎軒

坐曹可勝勞出郭復行役半年定海令三度慈溪客慈  
溪足勝處山秀江繚碧終然縈夢寐遑此事遊歷高軒  
閱龍虎表表市闌側得興不暇慵徙倚且數刻洞戶初  
推敲階除旋登陟向來攫怒勢枯幹抱頑石乃知名實

間未易膠今昔尚喜詩翁碑不受蒼蘚蝕可但神所護  
人未忘翁德非使老眼明斯遊竟無得

別俞君任通判

房陵望毗陵計舍六十餘今我從遠役羨君方逸居逸  
勞不足道會合嗟愈疎向來江南北二年能幾書殘山  
賸水地詩題當不虛得句茹不吐思君定愁予溯江日  
千里豈無紅尾魚交情儻未忘與問今何如

長蘆寺

昔年望長蘆去江逾百步垣宇呀已缺浮圖歌欲仆僧  
徒噬肯留日有沉溺懼重來舒望眼佛刹非故處安衆  
得亢爽定遷酌夙素似聞餅錫侶復作醯蚋聚居人禱  
蠶麥行客乞泉布營者肆夸侈施者不顧慮百堵煥金  
碧奚翅復其故往往豪儁人四壁有未具彼徒創寺意  
取鎮湍濤怒向來梵唄所倏為蛟螭據在已不自保誘  
俗說依怙波流置不省此理吾未喻

泊龍灣

小灣隱沙觜沙外仍奔湍是間以龍名信乃龍所蟠浮  
煙澹寒鑑斷岸圍清瀾孰知面勢要中有水府寬我來  
艤倦楫天水夜茫漫狂飆吼薄暮驚浪推舊灘鯨鱣蕩  
厥居渡鳥垂羽翰熟睡不知曉夢次聞平安龍公自兼  
愛況此行路難何以答神休幽佩紉蘅蘭

繁昌早發

客行固塵身留滯如捩翼及茲祖禮竟蓐食理帆席風  
停浪未蟄天曙月正白版磯匯湍殺荻港煙樹碧杖策

丁家洲徙倚容少息無酒問山店憶鱸聽邨笛鳥啼  
松竹雁鵝下沙磧回柁投曲澳又寄糝潭夕情疎或易  
合不作淮楚隔纍然槁項翁軟語慰行役

隱靜道中

晴日暝復出煙雲尚飛浮東風解人意松間作颼颼罷  
馬不用鞭正愜道途修涼氣灌毛骨百疾灑然瘳縈紆  
草根泉激激冰玉漱籬頭薔薇花娜娜新婦頭空林人  
語寂野鳥時啁啾名山無窘步春色况未休盤薄翠微

寺判作三日留曾非耽禪寂聊此樂深幽文移暫見貴  
清境與心謀晞髮五峰影濯足雙澗流

報恩方丈小憩

石鼎無幾然團蒲有餘藉山嵐變寒涼更挾清露下月  
榦澹疎櫺風枝語長夜為君賦招隱自剔篝燈爇

遊乾明分韻得山字

竹風清如水浣我塵埃顏老禪貧無錫小破蔬筍慳短  
轅下鷗夷共此半日間住筆訊鶯燕把盞屬江山老夫



病止飲苦語澀莫刪  
揆予郊島寒著君季孟間江柳未  
遽折園花且同攀後夜短亭夢漫寄東風還

儀真諸公餞別

旅懷我岑寂詩語君雋永  
新篇蜚墮前坐閱仙府景  
曉林媚紅酣春池涵綠靜  
叱吸風起籟模寫燈取影  
東園固成言此境亦深靚  
應世足變遷為謀難要領  
酒車且新圖客棹非舊整  
明朝鷗鷺前鴨綠眇千頃  
飛觴擊鉢地獨夜起重省  
還應蓬背雨閒滴魂夢冷

寄巖文炳

以寄聲來問安足  
音到空谷為韻

故人千里遠論心未遐棄不謂江淮隔尺書雁能寄春  
風生展掩滿慰別後意陳義凜冰霜不獨相思字

隻影秋鴻驚獨夜秋葉零離索歎五霜搔首聽此聲豈  
無金石友相避參辰星安得木作腸與世無復情

子雲草玄宅門徑積莓苔昨夢憑詩說新雨無客來袞  
袞手可炙自詫甘寒灰蜀莊寂寞者念我首獨回

烏墅兩馮君風霆藹休問自昔從之遊詩力借餘潤夫

君凜一敵鴻筆上羣俊舊壇今尋盟得句毋我靳

兩馮君謂

真州

父子

巖子老於菟彪炳踞賢關可憐五車學僅博九品官客  
程望至喜江閣山叢攢緬懷造物心念子渠能安

善忘常憎醫獨者自尊足巖子骯髒面如我不諧俗世  
情趣操間憎愛岐珉玉饒舌誇我賢祇取白眼辱

聯鑣行樂地俛仰成古今可但捧觴人貫珠無復音繾  
綣棋酒伴電泡半銷沈何時兩衰翁話舊同清斟

趙侯當賜環，強恥媚竈張。侯鳴琴手成，期幾時到何  
郎。偕賢書論價未足道，多煩問何如好語君一報。

石湖良樂眼收士，冀北空嗟我孤所。期經世老無庸一  
莊，賴芥菴報厚艾亦豐賓。實得美謚表表無終窮。

嚴子從我時，修煉峙雙鵠。章綬裹瘦軀，此相胡宜肉。當  
嗣溧陽尉，苦語叩哀玉。寧當蘇門翁，清嘯答幽谷。

姜特立

直舍作小砌

直廬迫高墉隙土止尋丈巧人累殘甃園叟昇新壤方  
成一簣積已覺寸心爽餘芳分禁掖疎翠眇林莽雖無  
昆閭趣便有濠濮想繞吟消永日靜對延孤賞聊成兒  
女劇終契山林往為語平泉公經營無太廣

風露亭

萬物冒春暉紅紫競芳節唯此玉井蓮迴與衆品別雅  
受冷風吹復愛露華潔亭亭立波上晚意頗愁絕疑是  
姑射山半夜集瑤闕清虛不染塵瀟灑更宜月我慚窮

陋質對此冰與雪安得謫仙人  
超遙俯清澈把酒一高吟  
玉色相映發

再賦醒心亭

小橋枕滄灣一水繞清激  
橫來莫知源委去無尋跡  
戲魚時渡淺好鳥忽鳴寂  
堂坳隱空磴竹樹悶寒碧  
朝飛隘朱拱倒影汎瑤席  
仰窺一徑上始覺藏深僻  
尚憶客中行盤嶠倦登陟  
峰迴路忽下溪館曾休息  
高低相掩映景趣無終極  
竭來坐忘疲欲去或窮夕  
安得青霞人

共此白雲適

寄方叔

落葉滿滄灣  
墜露濕疎柳  
幽人曉無事  
杖策經林阜  
忽焉若有省  
懷此山中友  
便欲借風翰  
翩翩插雙肘

翫月

天風忽披拂  
覺來襟袂清  
雲片玉鱗薄  
月華金暈生  
曾於滄海看  
浩蕩此時情  
髣髴見三山  
洶湧波濤驚

晨起

東旭曉曛曠照我牆角紅衰意忽開豁衰顏亦丰茸便  
欲理晨策去遠菊花叢惜無會心友一尊清興同

暑退喜秋

頽齡厭濁暑瘦骨便清秋蓐收方回鑣灝氣橫九州老  
鶴生精神孤松鬱颼颼如飲寒露漿貯以青瑤甌既蠲  
膏肓疾復洗熱惱憂斟酌楚人賦併作商聲謳

賦括蒼郡齋

括蒼雲水窟刺史神仙宅窈窕九折通髣髴三山隔千



峰鬱崔嵬一派繞清激境淨不可唾崖傾誰敢迫崇桃  
眩春紅積李縞夜月樵唱遞往來漁舸時出沒閒招鸞  
鳳侶間訪煙霞客簪玉肌花貌有水光山色使君翫世  
士愛奇忘寢食不憂橐無金自喜足有力欲具航海舟  
從公登山屐早晚歸去來飄然謝朝幘

陳傅良

遊白石巖

地向東南傾石際滄海立蛟鼉限波濤雞犬得城邑居

然通國望跂莫他山及道人獨有之置屋三四級幾看  
星月爛卻得風雨急于今二百年我共冥鴻集晤語夕  
陽低對酒秋旻濕

借書一首別薛子長

曲阿著柴扉陋甚誰盤桓美人此何求巨竹數十竿日  
閱書百篇尚覺目力寬欲從借我書我書何足觀辛勤  
抱遺經及此鬢髮斑一語未領會累日不自安雖更聖  
人手亦恐衆說漫况復秦漢下曾莫修與刪致之獲麟

前存者今若干我無所取裁望洋久空歎讀書固匪易  
窮理良獨難昨來荷堤上嘗試及孟韓此語如涓埃此  
道如丘山

送郭希呂

我門閉重重我徑阻且深梅花獨相依聊以慰我心  
人從何來崎嶇自幽尋亦于琢冰中而和南風琴菜甲  
尚可美新篋足同斟不知歲已華歸興生霜砧欲別復  
少住棲鳥歸月林客去鳥翺飛落花滿牆陰

送趙叔靜教授閩中

讀書須讀經學文須學古青衫故不換白髮早可數我  
亦窶人子風雨蔽蓬戶胡為數相過夜話恒過午

春晚書懷奉簡陳益之

百舌喜太甚杜鵑恨何深睨睨斯黃鸝律中宮之音物  
情自不齊天運初無心道人猶領會杖藜立芳陰

送劉茂實宰奉新

遠別欲無寐細論惟有酒今當作劇縣君意亦樂不江

湖吏道僻歲月民勞久救之敝精神自愛終袖手要中  
名甚美用意物所咎君觀蘭桂林餘茂及樵樵移根託  
客土顏色非故有贈言幾滿車一字堪皓首於焉但栽  
擇對越二三友諸賢在當路公論在衆口

再和喜雪

冬夜苦難曉短景復易夕安得戶牖光不待東方白恍  
如遊化城瓊臺若干尺英華發林藪餘彩散阡陌平鋪  
浩無垠巽入微有隙忍寒貪縱觀未願朝曦赫柳綿著

歌茵梅片墮粉額皚然羣汗中有意欲比迹自識玉皇  
家癯仙陋山澤新來學為農遭歲屢無麥穉子色恒飢  
老婢脚盡赤一飯今有待喜更問瓜場歸來看牀頭餅  
粟幸餘積且以炊春醪號召已散客

寄題陳同甫抱膝亭

稻粱不難謀軒冕亦易得胡為抱膝翁惻惻復惻惻秋  
風墮碧梧鳳鳥去無跡愁吟草際蛩兒女淚盈臆忽然  
一長嘯孤響起空寂令人識雅頌一唱三歎息室廬在

路傍耕鑿在民籍行人聽笑語稚子共眠食讀書果何  
罪鬚髮又半白此意太勞勞此身常抑抑抱膝且不可  
出門更何適但勿問門外蓬蒿若干尺

水仙花

江梅丈人行歲寒固天姿蠟梅微著色標致亦背時胡  
然此柔嘉枝本僅自持迺以平地尺氣與松篁夷粹然  
金玉相承以翠羽儀獨立萬槁中冰膠雪垂垂水仙誰  
強名相宜未相知刻畫近脂粉而況山谷詩吾聞抱太

和未易形似窺當其自英華造物且霽威平生恨剛褊  
未老齒髮衰掇花置膽餅吾今得吾師

姜夔

虞美人

夜闌浩歌起玉帳生悲風江東可千里棄妾蓬蒿中化  
石那解語作草猶可舞陌上望離來翻愁不相顧

夏日寄朴翁時在靈隱

風吹松樹枝懷我松間友雲從此山來令我屢回首山



雲夜夜起山雨侵人衣遙知竹窗裏自吟新雨詩

春日書懷

垂楊大別寺春草郎官湖家巷有石友合并不待呼瘦  
藤倚花樹花片藉玉壺老鄭絕妙筆辛陽句數腴平生  
子姚子貌古心甚儒時邀野僧語閒與琴工俱酒闌興  
未了左轉南城隅大江圍楚碧煙水入玄虛流落不自  
恨惟嗟故人疎一月三月夢夢中相與娛日日潮風起  
悵望武陵魚

昔遊詩

并序  
錄四首

夔早歲孤貧奔走川陸數年以來始獲寧處秋日  
無謂追憶舊遊可喜可愕者吟為五字詩時時展  
閱自省平生不足為詩也

洞庭八百里玉盤盛水銀長虹忽照影大哉五色輪我  
舟渡其中晃晃驚我神朝發黃陵祠暮至玉沙曲借問  
此何處滄灣三十六青蘆望不盡明月耿如燭灣灣無  
人家只就蘆邊宿

昔遊衡山下看水入朱陵半空埽積雪萬萬玉花凝或  
如生絹挂或如薄霧橫紛紛虎豹吼往往蛟龍驚人語  
不相聞濺電漂風纓有魚緣峭壁上下終不停此中有  
神物雷雨周八紘

昔遊衡山上未晚入幽谷欲識所坐輿橫板挂兩竹狀  
如秋千垂高下不傾覆登山九千丈中道多佛屋一峰  
高一峰峰峰秀林木仰看同來客木末見儒服高堂石  
當路尋常雲所宿下方雷雨時此上自晴旭紫蓋何突

兀萬里在一目餘峰六七十僅如翠蓋矗北有嬾瓚巖  
大石底樵牧下窺半厓花杯盃孟琢紅玉飛雲身畔過攬  
之不盈掬祝融最高絕紫蓋不足錄俯視同仰觀蒼蒼  
萬形伏惟餘岫嶺峰南睇半空綠彷彿認瀟湘向嶽流  
屈曲高處驚我魂翻思宅平陸其東有雷穴靈異謹勿  
觸雲來綿世界雲去一峰獨絕峰橫石渠仙人有遺躅  
山多金光草夜半如列燭靈藥不可尋吁嗟歸太速

既離湖口縣未至星落灣舟中三兩程程程見廬山廬

山遮半天五老雲為冠朝看金疊疊暮看紫巉巉瀑布  
在山半彷彿認一斑廬山忽不見雲雨滿人間

御選宋詩卷二十一



總校官庶吉士臣侍朝

校對官檢討臣蕭九成

謄錄舉人臣李駟